

北洋官報

本局 第一百二十二期 法政學報 已出

宮門抄

十一月二十六日 吏部 翰林院 廂黃旗值日 善豫調正黃旗護軍統領謝 恩 卓凌阿授廂白旗

護軍統領謝 恩 海公假滿請 安並謝 賞廕生 恩 崇勳假滿請 安 鐵良續假十

日 召見軍機 薩廉遞遺摺 趙炳麟遞封奏一件 惲毓鼎遞封奏二件

交旨

十一月二十六日 軍機大臣欽奉

諭旨御史趙炳麟奏財政學務亟須整頓一摺著會議政務處妥議具奏欽此

目錄

- 宮門抄
- 交旨
- 奏議◎議直督奏故督專祠請列入祀典摺△度支部奏張家口殺虎口關期任期辦法片△又奏改左右翼任
- 期關期片
- 摺片十則
- 公牘◎督憲札四件△海豐場大使稟一件
- 文告五則△畿輔四則△各省六則△各國八則
- 彙編◎順直諮議局議決案

奏議錄要

護理直隸總督崔保定爲故督建立專祠請列入祀典並入祀省城賢良祠摺

奏爲故督功德在民已在保定建立專祠請列入祀典並入祀省城賢良祠恭摺仰祈 聖鑒事竊據清苑縣紳

士候選知府孫鳴皋候選知縣吳鼎昌揀選知縣朱廷楨前山西候補知縣樊榕揀選知縣謝麒等呈稱已故直隸總督太傅一等肅毅侯大學士李鴻章於光緒廿七年奉 上諭准於立功省分建立專祠並入祀京師賢良

祠欽遵在案伏思故督以翰林起家出佐戎幕創設淮軍勦平髮捻旋即移督直隸以通商大臣任國際交涉與歐美列強周旋於干戈樽俎之間實爲吾國往古未有之創局艱難支拄動繫全國安危第其事實以督直爲始終故凡所措施見於畿疆者爲多嘗力言八股詩賦小楷無裨實用具載章奏紬於時論不得大爲改革爰就津門設武備水師各學堂並資遣出洋又奏准各生一體鄉試而算學亦得列入經策近畿西學輸入實以此爲權輿迄今辦理新政遂多於是取材此外輪電機器亦皆創始於津門而津榆之路開平之煤遂能特關利源冠絕內地吾國新政規模以北洋最爲式廓而基礎實在數年以前直境比歲荒歉自光緒初年苦旱後疊遭河患幾於無歲不決近畿之民流離轉徙若成慣例故督苦心擘畫注以全力而本省之籌撥與外省之協募每歲至數百萬金活災黎不可數計又以工賑之款大治河道舉所謂五大河六十餘支河者相其先後緩急分條而治之歷開減河引河大小數十道蓋咸豐軍興以後各處歲修折減閘壩損壞至是逐漸挑築以利宣防邇來積患稍紓近河各州縣歲多中稔皆故督數十年補救之功也至近年內地大患在於民教交鬩匪得乘機竊發如同治初年天津豐大業案擬結以後民氣之鬱積殆不讓於庚子而朝陽逆匪之妖妄亦復無異拳民故督以威望皆重屹然坐鎮其無形之消弭固非淺識者所得而知是年再督直隸 命下之日士民延頸如望雲霓何意和議甫成大星遽隕追懷德澤願報馨香竊以天津建立專祠迄已六載保定地居省會未便獨使闕如即經庀材鳩工在於保定准軍昭忠祠之旁

拓基興建業已落成所需經費係動用捐集昭忠祠餘款不再另籌公懇奏請列入祀典並入祀賢良祠呈由藩司轉請具奏等情前督臣端方未及核辦移交前來奴才覆查李鴻章中興碩輔懋建殊勳坐鎮畿疆前後幾三十載直民追懷遺愛亦較他處爲尤深前奉

諭旨准於立功省分建立專祠並入祀京師賢良祠仰見

聖朝

篤念蓋臣襄揚之典至優極渥薄海同欽今部紳等已在保定省城爲故督建立專祠足見功德在民爭思崇報合無仰懇

天恩俯准將建立故督李鴻章保定專祠

敕部列入祀典並准入祀省城賢良祠均由地方官春

秋致祭以昭偉績而順輿情理合恭摺具陳伏乞

皇上聖鑒訓示謹 奏宣統元年十一月二十日奉

硃批著照所請該部知道欽此

度支部奏張家口殺虎口關期任期辦法片

再查光緒三十一年六月間臣部以張家口關期任期互相參差奏請將該關奏報收數以任滿之日爲斷無庸先後彙算又於三十二年十月間奏請將坐糧廳張家口殺虎口三處稅差由臣部司員中揀選熟悉漕務稅務之員保送并定爲三年一任又於是年十一月間奏請將殺虎口關期任期援照張家口成案無論該監督在任一年零若干日卽行截清各數自行奏報各等因先後奏准行知遵照各在案今常稅關期既經臣部另摺奏請嗣後均改爲自正月初一日起至十二月底止所有張家口殺虎口兩關自應一律遵照新章辦理其有未屆年終任期已滿或因事更調者應將經征稅項及應支應解各款截至交卸之前一日止結算清楚移交後任至年終期滿再行彙案奏報仍由臣部將收支各款按各監督在任日期分別考核以專責成而免推諉至各該監督任期應請仍照向章自接任之日起扣足三年爲滿由臣部先期揀員帶領引 見請 旨簡放以重權政如有監督任期已滿尙未交卸者應自任滿之次日起作爲代征俟新任監督到任將代征稅款截至交卸之前一日止移交接收其接任監督無論何日到任應自前任監督任滿之次日起扣足三年作爲任滿如此辦理則關期任期兩無牽掣實於清理財政整頓稅務均有裨益謹附片具陳伏乞

又奏崇文門左右翼任期關期改歸一律片

聖鑒謹 奏宣統元年十一月十五日奉

旨依議欽此

再查崇文門暨左右兩翼各監督向係一年任滿由臣部先期奏明請

旨簡放上屆崇文門關期係扣至宣統

元年八月初二日期滿左右兩翼關期係扣至宣統元年三月二十九日期滿經臣部先後照章先期奏明均蒙
特簡大員接管在案今常稅關期既經臣部另摺奏請嗣後均改爲自正月初一日起至十二月底止自應將各
該監督任期與關期改歸一律以專責成而免轆轤如蒙 兪允其現任崇文門左右兩翼各監督經征稅項應
令自本年接任之日起扣至本年年底止截數專案奏報再自宣統二年正月初一日起改照新章辦理以清界限
其奏請更換各監督日期仍應仿照舊章辦理由臣部預於每年十二月二十五日奏請 欽簡以重權務再現
任崇文門左右兩翼各監督截至本年年底止均未屆一年任滿所有各該關改章後第一年稅務可否仍由現任
監督接管之處出自 逾格鴻施臣等未敢擅擬理合附片具陳伏乞 聖鑒訓示謹 奏宣統元年十一月
十五日奉 旨依議欽此

摺片摘要

內閣代奏侍讀等得保獎謝 恩事十一月二十四日奉

頤和園奏酌擬本園丁憂人員辦法事同日奉

吉撫陳昭常奏勘放附近城垣教場官地招商價領摺同日奉

又奏查明應升科地畝由各衙門徵租抵餉片同日奉

又奏吉林度支使陳玉麟回任日期摺同日奉

又奏吉省諮議局依限成立遵章開會閉會日期摺同日奉

又奏裁撤自治局改爲地方自治籌辦處片同日奉

又奏考取優拔名數摺同日奉

又奏請將民政部員外郎成沂開去底缺以知府留吉補用片同日奉

又奏調查戶口並按期編訂戶口冊情形摺同日奉

旨知道了

旨依議

硃批度支部知道片二件併發

硃批覽

硃批知道了

硃批該衙門知道片併發

硃批覽

硃批該部知道單併發

硃批所請著不准行

硃批該衙門知道

公牘錄要

督憲陳爲電致各省大府請提倡國債會札飭司道查照文

爲札飭事本月二十二日日本大臣寄 各省將軍督撫電云承准軍機處號電開昨接崔藩司電悉商務總會擬創辦國債籌還賠款並該藩司先捐廉三萬兩各等因足見我 朝深仁厚澤輿情愛戴出於至誠薄海聞風皆當興起此電業經進呈第思 皇上軫念民艱勲勳在抱恐不忍以重大債款遍累商民所請特頒 諭旨之處未便率請惟是忠愛之誼固由商民之感發亦賴官吏之提倡應由貴總督會商各直省將軍督撫詳細斟酌妥爲勸導但不得稍涉苛勒致滋紛擾俟辦有頭緒再行請 旨宣布分別獎勵等因查此案係由崔藩司在護督任內據天津商會之稟電達樞府其文曰據天津商務總會稟稱近來財政日見支絀實緣賠款過鉅年限過長利息過重雜捐日出流弊日滋國計民生所關匪淺亟應從速籌還職會公同議決擬合舉國人民組織籌還國債會以甲午庚子兩次賠款爲定額還期以三年爲限制各省聞風興起函電交馳異常激勸爭思早日觀成惟勸導之責雖在國民而提倡之方尤賴政府擬懇奏請特頒 諭旨飭令各省將軍督撫分別提倡等因足見忠君愛國萬衆一心再四籲懇據情上達永安竊思此舉於全國財政極有關係特先捐廉三萬兩藉資提倡羣情更爲踴躍願茲事體大注重償清賠款關係尤非尋常總期必成方免過慮可否據情代奏應如何提倡以底於成理合陳請伏候鈞裁示遵云云既承准前因自應遵照辦理我 朝恩澤之厚薄海同欽想一經提倡勸導凡屬踐土食毛自必聞風興起惟茲事體大必須體察情形審慎從事以免官吏奉行不善之弊而副 朝廷寬大恤下之仁素仰公忠在抱籌畫精詳希即查照樞電詳酌妥辦如有卓見并懇先賜電示爲禱至天津商會擬有簡章十九條據稱各省已函電索取容再抄咨冰案以備查核等語合行札飭札到即便移行查照此札

護督憲崔准郵傳部咨催委員迅速會勘井陘礦界札飭礦政調查局查照文

爲札飭事宜統元年十一月十二日准 郵傳部咨鐵路總局案呈現准外務部咨准德雷使節略稱井陘礦務合同第十一款開在此合同未經作廢及停辦以前如未經井陘公司認可礦務總局允不另與他人訂立合同等語現據漢納根稟稱去年 郵傳部令井陘縣代購地段開礦遂致有官商人等亦查勘井陘縣內礦地且有建築工場冀私獲礦權者等因此項嘗試與該合同不符應請將該井陘礦務有限公司之礦權飭告該管華官并禁阻其擾害等語咨部查核見覆等因前來查本部購買井陘礦地籌辦煤礦係屬奏辦之件且事在 奏定井陘礦務合

同之先而所購地段又在井陘公司礦綫之外因礦地與井陘公司礦地毘連經上年八月及本年七月間一再咨請貴督派委委員到京會同部委司員譚主事天池前往履勘惟直省委員尙未暇前來會勘是以彼此界綫仍未劃定茲准外務部咨行前因自應迅將彼此礦界會勘明確標識界限咨覆核辦除將情形先行咨覆外務部知照外相應咨行貴督查明催促該委員迅速來京會同部委司員譚主事天池前往履勘可也等因到本護大臣准此查此案前據礦政調查局詳請派委鄺道榮光會同查勘業經批飭遵辦在案茲准前因除咨覆並分行外合行札飭札到該局即便查照此札

護督憲崔准郵傳部咨張綏鐵路購用地畝請飭屬照料札飭藩臬兩司轉飭遵照文

爲札飭事宜統元年十一月初十日准 郵傳部咨路政司案呈張綏鐵路亟待興工前經將勘地插標日期咨照在案現在該局擬訂購地章程二十四條由本部詳細覆核批准照辦並飭該局刊刷多份沿途曉諭免滋流弊除分咨外相應將核准章程咨行貴督查照希即轉飭沿途地方官加意保護照料並照章出示曉諭可也等因到本護大臣准此查此案前准來咨業經轉行該司飭屬遵照在案茲准前因合行札飭札到該司即便轉飭綫路經過各州縣一體出示曉諭並仍隨時妥爲照料保護此札

護督憲崔准南洋大臣咨仍派錢道寶書充賽會京津調查員札飭該道遵照文

爲札飭事十一月十四日准 南洋大臣咨開據勸業會事務所案呈南洋創辦第一次勸業會所有關於各省組織出品協會及協贊會事宜業經呈請派員分別前往辦理各在案其京津特別調查員錢道寶書於閏二月間出發數月以來迭接該員報告直隸出品協會及協贊會均已次第成立并經北洋大臣札充協贊會駐會協理惟查該員原係南洋札派人員辦事熱心成績卓著現在調查將次竣事該省協贊會既由該員一手經理擬懇加札該員飭令遵照北洋大臣札飭仍駐京津隨時調查報告並請咨行北洋大臣轉飭該員不分畛域認真辦理實爲公便等情到本正會長據此除札飭該員遵照外相應咨請爲此合咨貴大臣請煩查照轉飭該員認真辦理至緝公誼等因到本護大臣准此合行札飭札到該道即便遵照此札

海豐場大使稟灘鹽掃數盡歸坵垣文並批

敬稟者竊卑場所轄南北兩灘各灶地居海隅素本瘠苦自經庚子大亂之後遭海賊土匪之蹂躪東奔西逃室如懸磬該灶等幾難自存兼之連年饑饉灶困未蘇實無資助晒灘鹽經前任張大使炳坤以課運攸關曷敢任其荒蕪於本年二月間懇請運司賞借帑銀三千兩以資興晒及該灶等將銀領到向日晒灘窮氓盡行出外謀食灘工難覓以致本年各該灶等灘內人工均未上足兼之五月內天氣炎熱正當晒鹽之際又遭雨水連綿故本年較往年不免歉收及卑職抵任後督飭各灶將灘存散鹽趕緊盤運歸坨以杜偷漏而昭慎重乃惟時道路停積雨水又兼海潮不時汽溢灘地被水環繞一片汪洋無可繞不能盤運不得不暫行停止至八月內蒙運司札飭卑職督催各灶將灘存散鹽趕緊僱車盤運限於八月內一律掃數歸坨不准顆粒存灘等因蒙此卑職遵即親詣南北兩灘查驗道路仍屬泥濘難行各灘均被水圍不能進車只得據實稟明運司懇請緩日盤運在案蒙批該場灘鹽既稱泥濘難運准於大雪前後車路通行即押令各灶勒限掃數歸竣等因蒙此卑職遵於九月中旬農忙稍過道路已乾傳齊各灶嚴飭趕緊車盤運如敢遲疑觀望延緩逾限定即詳請懲辦該灶等尙知憤勉踴躍盤運自九月十七日開場啓運至十一月初六日止所有灘存散鹽一律掃數歸坨統計南北兩灘先後共入坨鹽二千七百七十一車核計引鹽五千五百四十二包卑職親詣各灘逐細查驗實已顆粒無存灘底泥鹽亦翻扒淨盡並無絲毫偷漏查卑場向來盤運灘鹽車戶之力量大小不同所拉筐數不能一律每車包數即碍難合算只得每車仍按兩包合算其餘剩之鹽容俟該商築運將竣由卑職查明坨存實有若干包約計應升若干包查明確數之後再行據實稟報外所有卑場灘鹽掃數歸坨緣由除逕稟運司外理合據實稟報 大帥俯賜察核肅此敬稟恭請 勛安 伏乞 垂鑒

護督憲崔 批據稟已悉希運司查核飭遵此繳

文告錄要

督憲批示錄要○通永道詳務關廳屬在工修防出力各弁請外獎由 批詳摺均悉本年務關廳屬防汛出力各弁自應酌給外獎以示鼓勵兼管汛額外委黃廣應准遇有把總缺出儘先拔補五品頂戴外委張德忠鄭世隆王金山均准俟補外委後記名以把總儘先拔補即由道註冊飭知監生熊得勝等十二員名均准給五品獎

札司事李緯等七名均准給六品功牌茲將獎札功牌隨批印發仰即查收轉給祇領摺存此繳○警務處詳覆核議贊皇縣請獎給巡官息麟閣五品獎札一案由 批據詳已悉仰仍飭該縣知照繳

藩台批示○住玉田縣旗人陳國順呈 批爾祖出典地畝如果經爾備價贖回屬實非但吳廷玉不能憑空唆令

柏景山強租即柏景山既備租價亦不患無地可租安肯聽吳廷玉教唆自尋訟累詞不近情顯見俠仇妄控著

速回籍自行理息了案毋再多瀆致干發辦○清豐縣舉人劉法先等呈 批此案楊國治等擅拆神廟大屬不

合候嚴札催縣迅速派差督修毋任遲延爾等仍回籍聽候該縣持平辦理毋得妄指楊姓爲墳丁後裔切切此

批

學台批示○保定師範畢業任縣宋世英稟學堂停辦懇恩改派由 批據稟已悉仰候年終核奪改派抄由批發

○建昌縣高小堂長李沐霖稟請飭違可否留充盛教員由 批據稟盛教員仲魁相處極洽應准再留半年以

符前約錢教員亦不得固辭仰即持批轉飭遵照並飭報本縣備查此繳

臬台批示○唐山縣文生郭德馨來司呈控一案 批呈詞閃爍支離顯有不實不盡既據控府飭縣訊釋有案姑

候札飭該縣作速錄案詳覆核奪○饒陽縣文童李硯田來司呈控一案 批如果宋莊等將爾毆傷成廢罪有

應得候飭縣作速傳集人證驗訊明確按擬詳辦毋任纏訟爾即回縣候審毋庸在省逗遛擅用白稟併飭粘單

附

清苑縣榜示○爲榜示事照得本縣考試武備生錄取四名備文送請 學憲查核俟奉批示再行飭遵須至榜者

計開 申殿元 臧寶泉 劉貫英 申殿魁

畿輔近事

官場紀要○督憲於昨早十點半鐘至十二點鐘在本署接待各國駐津提督領事等官

天津商務總會傳單○爲通知事宣統元年十一月十四日准上海商務總會照會內開爲照會事頃據上海中法

藥房稟稱竊商於本年二月在天津估衣街添設中法藥房分號由王小團經理各事開張以來生涯尙形起色

乃聞有等好事之徒竟生妬忌謠稱所售之艾羅補腦汁內含嗎啡意圖破壞等因伏查艾羅補腦汁曾於光緒

三十三年五月呈由 農工商部暨 民政部化驗立案准予銷售藥中並無毒質何得肆口造謠致與商號生業大有關係爲此稟求貴會明鑒乞移天津商會澈查造言之人嚴諭禁止以儆刁風而保商業等語到會查艾羅補腦汁既稱稟 部化驗並無毒質津地各商自不應任意詆毀阻其行銷據稟前情相應備文照會爲此照會貴總會請煩查照禁止望切施行等因准此除登報宣佈外合行通知各商一體查照須至通知者

續紀津民致出品協會函○津民致出品協會書一則已紀昨報茲將所列各條照錄如下 一人孵雞鴨其利最薄(孵出獲利三分上下弄成約十餘倍)日本明治十三年曾派人自我國學去其益可想本津之穆家莊實精此術擬請貴會函致該莊紳耆請其將辦理一切情形逐條開示再請貴會派員親至該莊煖雞房查看將所用一切器具由教育品製造所各製一模型再請調查員請煖雞房經理人將自始至終一切孵法逐一演試各拍一照然後將各照片模型運往南洋賽會萬一人提倡改良似可爲民生闢一大利源查鷄鴨爲食料之上品人盡知之其羽毛之備用亦人盡知之其全身除呼吸之氣外無一棄物實與牛羊相等至所遺之糞最富於三要質(淡氣 磷酸 鈣養) 則非牛羊所能及也故最利於種植果使些物繁殖是爲農家創一天然不費而獲之肥料也(牧畜亦農事)孟子曰菽粟如水火而民無不仁其所係不尤重歟鄙人所望於貴會調查運賽者此其一 一前數年鄙人有一小僕河間獻縣人偶問其家鄉出產何物此僕以桑條對且言某莊運氣好則生於某莊因思此必植物學所謂散布種子類也莊鄉不查歸之於運氣桑條之製物比人止編作魚籃簞箕之類獲利無多若仿照日本之法編成衣箱書箱(日本界商品陳列所此物極多有定價八元者)緣飾以皮則所獲多矣擬請貴會調取桑條之最細者竟編簞箕等物之人編日本式之衣箱書箱運往比賽如果通行既便行旅兼挽利權且利民生並不費力非輕而易舉者歟鄙人所望於貴會仿製運賽者此其二 一多倫諾爾廳俗名喇嘛廟所出氈貨皆物美價廉精實耐久爲家家所必需且洋貨尙未輸入(現時日本腿帶又沿街皆是)使及早提倡益求精美以備抵制洋貨未必非未雨綢繆之計如購備此等氈貨不必遠往多倫廳北京德勝門一帶卽有真正廟貨特不可誤買贗造者耳鄙人所望於貴會購備運賽者此其三 一獨角蓮之一物(非有大毒熬膏之獨角蓮)產於多倫諾爾牛腹之中隨糞而出本草諸書皆未之載藥材中有寓木之類此蓋寓畜

之類矣大者如指項色墨灰味甘平性涼而不峻專主升清降濁服之有益無損愈於日本之仁丹十倍若以之治小兒宜表之瘟疹則奏效非同小可也清真教中紳商多有之貴會何妨尋覓一二撮帶以備賽以發明向未通行之一種藥物不亦有濟於世乎鄙人所望於貴會尋覓備賽者此其四此外天產之食物可備連賽者尙多鄙人曾兩至貴會陳列所觀光均未之見豈大衆擁擠之際鄙人未能一一細視歟抑一切尋常之物胥俟運賽時再補齊歟鄙人所以言念及此願貢愚忱者誠以竹頭木屑記載於史聚斂疏材列識於經賈太傅曰治天下者至纖至悉也質之貴會不知以爲然焉否也○右函由郵局寄來未叙姓氏而條陳數事於敝會深資裨益亟錄登報以誌佩感如有鴻才卓識於實業界有關係者尙希隨時指教以匡不逮幸甚感甚 直隸協贊會附誌

官立兩等小學招生○保定省垣官立兩等小學堂刊有招生廣告照錄如下 學費不收 報名處將軍廟第一兩等小學堂九聖菴第二兩等小學堂 報名時自上午八點鐘起至下午四點鐘止 一新班學生自九歲至十一歲略識字義未識字者均可報考以四十名爲額撥入初等一二年班 一插班學生自十二歲至十六歲須得有同等學堂二三四五年修業文憑者爲合格招齊後酌量程度撥入初等三四年班 一報名期限自十一月二十五日起至正月初十日止

各省近事

政 治

瑞制軍臨別贈言○升任蘇撫瑞制軍自

簡鄂督後蘇屬紳商學各界對於制軍去思益篤初三日由自治籌

辦處官紳餞別初四日由朱潘吳尤諸紳暨商會張倪總協理等假滄浪亭備具茶點開會歡送午刻制軍蒞會先由各紳宣讀頌詞次由制軍答詞末後合撮一影以留紀念茲將瑞制軍答詞錄下 瑞激奉命撫吳僅及半

載德薄能鮮弗克有所展布以慰我搢紳先生父老子弟之希望私衷自揣實所深愧近者蒙 恩擢署湖廣

總督乃承此邦紳商學各界聯襁祖餞以重其行瑞激不能無言以表其意而爲諸君告也夫吳民苦臬患久矣

自辦理清鄉以後萑苻斂迹稍得安枕然此皆治標之計於根本無與焉根本者何教育實業是也有教育則知恥不敢於爲非有實業則多賴不至於爲暴官雖負提倡之責任究不若地方自治較爲親切而有力也且諮議

局規畫全省教育聯合農會組織農林公司二案此正根本之謀尤爲今日在會諸君所當引爲己任而增加其義務以副官吏所不及也瑞澈雖一日去吳實不勝有厚望焉緱佩高誼用申區區臨別贈言幸惟鑒納

請設鹽務自治公所○兩浙運司王都轉據浙西松屬袁浦場職商張宗瀚等聯名稟稱該場晒鹽板戶百弊叢生漏私濟銷正課日絀現擬集合同志組織鹽務自治所俾便逐漸整頓以利鹽綱等情當經批示據稟袁浦場晒板匿不報格者甚多所產之鹽亦不全數繳厥均由步擔私挑濟臬足爲課銷之害該職生等擬章請分設鹽務自治所公舉總理總察等員分司查察編設步擔四百名定以斤數限以時日並每斤抽捐錢四文半爲報効半濟公用並每年調查板數報場比較化私爲官立意未嘗不善惟肩鹽挑銷例有定地且必須由商結保即近場例准之貧艱老小定章亦限制綦嚴若准步擔抽捐販賣恐欲絕私挑濟臬之源反啓影射侵越之弊此中殊多未妥應如何稽查禁緝或參酌變通俾於引地無碍而私銷可以杜絕姑候札飭袁浦場並諭松所甲商查明就地情形妥議具覆

學務

師範學生添課兵操○江北清江師範學堂教務長夏君因近來中國時事艱難非人人有軍國民資格不足以禦侮捍患特將遊戲體操及柔軟體操暫行停止添課兵式體操操時悉用槍械並添兵學一門庶將來畢業皆可爲干城之選云

遵改警務大學堂○護鄂督楊制軍准 民政部咨以鄂省巡警高等學堂名稱不合飭即改爲警務大學堂等因現已由巡警道馮少竹觀察將該堂匾額遵照改換矣

民事

總工程局定期開年會○江蘇上海總工程局董事於本月十三日在局開年會自晨十時開會至下午四時止將第四週年收支各款並西南區辦理各事務及收支款項等類逐細調查明晰會議一切然後刊單報告各商並稟道縣查照聞所辦地方事宜歷年約虧空十五萬金之譜現均由各董籌墊云

華婁呈送選民草冊○江蘇松江府華亭婁縣城廂自治公所總董陳菊生君將調查戶口之選民草冊呈送縣署請即分區出榜宣示旋奉兩縣批示云送到草冊八本候核明會銜出榜所有變通進行日期核與籌辦處憲詳定本年應辦各事總期限尙屬不逾應准照行

各國新聞

考查海軍大臣。覲見德皇。○路透電云中國考查海軍大臣現在德京覲見德皇該儲君并各親王均相陪洵貝勒致謝德皇接待之誼并謂德國海軍之名譽以及船廠之成效世人皆知今日得見德國海軍之進步甚為榮幸并盼望中德兩國邦交永遠親密祝賀德皇永享和平幸福德皇聞洵貝勒之言極力稱謝并言貴大臣演說之詞予甚滿意深望此次考查各國海軍得美滿之效果又以紅鷹十字大勳章贈與洵貝勒聞考查海軍大臣於西一月七號由德京啓程赴司泰丁地方遊歷再取道往漢伯克齊爾依森依洛丙四地方參觀船廠并鑄造所又據伯林電云中國考查海軍大臣抵德時德皇派歐斯喀爾親王統率衛隊并德京總督在車站迎接德親王陪送至阿德爾旅館後即覲見德皇洵貝勒演說海軍之發達德皇答謝是日下午德海軍大臣提爾比斯氏設筵款待

議論法國關稅問題○路透電云德國工藝家對於法國改訂關稅新章問題甚為驚訝謂法國此舉實係損壞德工藝家在法之利益并妨害法國市面因德工藝家在法國者甚多云

英首相演說紀要○路透電云英國反對黨首領前首相包洛孚氏在漢里地方演說英海軍可慮之情謂近日內閣大臣相繼宣布英海軍勢力之發達然與他國比較恐將減色英國若不竭力整頓恐一蹶不振首相阿司奎斯氏在布利頓地方演說據最近調查市面情形資本流通并銀行統計三事似於財政問題大有進步

德大公爵之行程○柏林電云德國布蘭威克聯邦大公爵偕其夫人遊歷遠東現在行抵蘇彝士河德砲艦定期赴滬○柏林電云德國砲艦歐提爾號擬於西三月赴上海停泊

法總統將遊瑞士○柏林電云瑞士京城消息法總統法利爾氏擬於春日赴瑞士京城遊歷英國大臣升調○倫敦電云英政府派伯恩氏為內務副大臣以繼葛拉司頓氏之任葛氏調為駐南非英屬陸軍總司令官

美艦隊駛抵東京○東京電云美國太平洋艦隊於西一月五號航抵日本東京總司令官於六號入東京晤會日本海軍大臣日本海軍大臣在寓設筵款待

往等事遵照定章第二十二條辦理其中有應細爲規定者略具如左 一生死 該戶無論何人均須據實呈報若係戶主身故應查明新戶主爲何人以便改註 一婚嫁 娶自何處嫁往何處一一註明至於人口之數必有增減應將該口數册改定 一承繼 有自別戶來承繼者有往別戶承繼者有承繼而不移動者一一註明登載口數册 一來往 來往時期并往去之地方住址均須一一查明登記 第四十五條（原第四十一條） 調查證每月由地方官發給巡警局由分局發給巡警派出所每月更換若干張新發若干張收回若干張均須一一切實登載以昭核實 第四十六條（原第四十二條） 收受民戶呈報等件不得留難及妄索絲毫費用如有犯此應按照本律從重懲罰 第四十七條（原第四十三條） 民戶有一家死亡經鄰佑親族代報後將其調查證繳銷 第四十八條（原第四十四條） 民戶有收養棄兒義男等事應令據實呈報并將該身分來歷籍貫年歲一一查明登載 此項入特別事項登記册內 第四十九條（原第四十五條） 調查後須時時查對門牌號數有無移換更改 第五十條（原第四十六條） 調查後民戶雖無別項變動仍不時抽查核對 第五十一條（原第四十七條） 調查後凡旅居茶館均宜時時查視旅居寄宿之人更宜加意查察 第五十二條（原第四十八條） 調查後有遷移及生死各項情事該民戶逾限未來呈報經查知屬實當即派員前往追問如一時忘記毋庸深責若委係有意延匿應據實稟報地方官核辦 第五十三條（原第四十九條） 人民有丁戶俱絕無家可歸如係安分良民應就近覓地妥爲安置若素行不善者宜嚴加防檢 第五十四條（原第五十條） 定章第二十四條戶數册每兩月編訂一次口數册每半年編訂一次各巡警局應於每兩個月抄將戶數册截止一次在十日內將各段戶數總册彙報六個月將口數册截止一次在二十日內將各段口數總册彙報毋得逾限 第五十五條（原第四十一條） 特別登載簿册每月申報一次其或事關緊要不在調查範圍以內者應另行稟報 第五十六條（原第五十一條） 調查後必須經理得人庶不致復蹈保甲故習凡巡官長警等務宜細心認真辦理如有敷衍從事不盡不實者定即從嚴究辦 以上各條於原文或增或改或仍其舊實就現在情形謀適用之法爲此公同議決呈候公布施行

一議決交議籌設簡易識字學塾案 查簡易識字學塾乃憲政大綱逐年籌備之事自應急爲籌設惟設立之法

宜酌城與鎮鄉之情勢預定標準令其有所遵循庶乎繁盛之區不敢徒事敷衍而貧苦之處亦不能藉口推諉此城鎮鄉設立之法宜預爲規定者也其設塾之費雖云所需無多然現在各處勸學所於舊有學堂之款猶籌措不遑如再分籌及此恐徒託空言擬仍令地方官諭令紳董就地籌措但各學堂有款可撥者自不在此限他如教員宜參用傳習之法課本須以部頒爲限而創辦之初地方官紳尤必先將學塾之章程及利益在稠人廣衆之中詳爲講演使深知此項學堂之便利庶皆勇於倡辦樂於嚮學以收迅速舉辦之效餘如原議茲就以上所議謹擬修文并述理由如下 一宗旨(原文)使國多識字之民以補教育之不及爲宗旨 二處數(原文)

按照轄境大小民戶疏密酌定 三設立(增)城鎮須專設一處或數處以爲倡導各鄉可增設於小學堂內其

未立學堂之村莊須另行專設按城鎮人戶稠密四民叢集款項易籌學生易招教董亦易得其人故宜專設以

爲各鄉之倡至各鄉設立初等小學款項缺乏教董無人已成通病今又設此項學塾籌款固難而得人尤難不

如增設於小學堂內一切地址器具均易爲籌備教董既可資熟手學生畢業後亦便於升階用款用人兩有裨

益其未立學堂之村莊不得以向無學堂藉口推諉惟既名簡易學塾亦不必拘定學堂形式 四教員(改原

第三條)凡勸學員宣講員教員管理員已經傳習之師範生改良之塾師均可任用但前項人員如不敷用時

可由勸學所招集粗通文義者傳習選充 五功課(改原第四條)教授功課均須用部頒課本但於識字以

外須添授珠算心算以便日用 按照 學部籌備清單於本年創設簡易識字學塾并頒發課本既經 學部

奏定自應預頒課本以符定章且此項學塾時限甚短猶須課本相當方收實效若僅教其識字不授以算數其

日用營業之間尙多困難部章雖專定識字果能於識字時限以外兼授以淺近算數應亦部章所許也 六學

生(原第五條)凡年長失學之愚民或已在工廠商店之學徒寒峻無力不能入初小學之子弟均可入學不收

學費 七年期(改原第六條)部編課本共分三種分一二年學完今先辦一年班以便試行再依次添辦二

年三等班其資質聰明學生可成一班時由經理人酌量情形縮短期限 八時限(原第七條)或日或夜每次

上課不過二鐘時間其農隙夜學酌加鐘點 九經費(改原第八條)創設費及教員津貼課本紙筆雜費由地

方官設法諭令紳董籌措 按各地方學款大概充裕者少若再撥充此項經費恐小學更難支持必須另行籌

操勞過度

粵東某末老先衰服韋廉士大醫生紅色補丸而得身強力健
 羅君耀堂因平素操勞過度以致身體衰頹不堪猶如天下無數未老先衰之人於少年時勞力勞心不知節制及
 至中年腦疾心病以及他症叢雜而牛乃顯其年未老邁身已衰弱之景像矣今則身力復原自覺宛如少年是皆
 賴韋廉士大醫生紅色補丸之奇功也羅君現年五十八歲以寫玻璃磁器花卉為業居於廣東之河南福仁里嘗
 有客造其虛得聆其患病獲愈之情形歷述如左云○余於四年前先患心痛繼則痛而日跳日益加劇必待痛減
 跳止方可作事因病勢如是之重乃商諸中西醫士僉云讀書作事過勞之故以致身體腦筋未老先衰爰服三月
 非徒無益且更加重甚至假臥床榻病莫能興當此無聊之時偶閱廣東新聞紙載有韋廉士大醫生紅色補丸所



廣東羅君耀堂
 服韋廉士大醫生紅色補丸而得身力復原

治癒之奇症並承泰安大藥房主人勸余亦服是丸余遂托友購至數
 瓶乃一服韋廉士大醫生補丸之後便覺稍愈於是接連服之則見精
 力日增病體全愈矣今者心力逾恒而無跳痛之苦智力復原而得腦
 清之益全體氣充神足無異曩時余謂韋廉士大醫生紅色補丸誠可
 稱為天下之神丸也蓋余自服此丸之後不啻年輕十載大獲回生之
 益賴貴局將余證書登諸報牘以告同病者韋廉士大醫生紅色補丸
 使羅君耀堂有稠之新血以增補其心力腦力使身體各部皆得復原
 以至康健之地此丸常如此法連行血中曾醫治無數之血薄氣衰
 諸虛百損少全斷喪陽萎不舉胃弱不化肝經各病背

骨疼痛 山林瘴氣 頭痛頭暈 風溼骨痛 腰背疼痛 腎虧痠痛 左癱右瘓 腳氣衝心 跳舞瘋病
 筋系刺痛 胸膈疼痛 乾溼癬癩 瘡疥疔疹 皮膚諸症 又為醫治少壯婦女經水不調經來腹痛血虧體弱
 各症之聖藥也 韋廉士大醫生紅色補丸各處商店藥局凡經售西藥之處均有出售或直向上海九江路B字
 第八號韋廉士大醫生藥局中國總發行處或向四川重慶白象街分局購買亦可價銀每六瓶大洋八元每一瓶大
 洋一元五角遠近郵費一律不取

謹告購藥諸君請細認能療疾病者係真正韋廉士大醫生紅色補丸固非若市上所售影戲漁利之紅衣紅
 血等丸也謹防假冒勿為所欺

上海九江路B字第八號韋廉士大醫生藥局啟

商務印書館出版各書上海總發行所 分館發售

版式大小謹遵

商務印書館恭印

欽定大清會典事例全書

進呈原本

是書前由敝館承印伏讀外務部 進呈原奏有印造尙屬精工等語查王公京外大臣得蒙 頒賜是書者僅一百三十八部敝館曾於去年縮印發售旬月間已疊再版願海內宏達深以未見原書爲憾且原書有圖十二函亦以過於精細未能縮印致付闕如茲特再行攝影一切版式圖書悉如原書刻已印成樣本欲閱者函示即寄○一全書四百九十四册分裝八十二函計會典六函事例六十四函圖主函○一定額二百部售完不再印○一定價規銀四百兩預約者減爲二百五十兩○一預約以本年九月底爲限先付規銀五十兩○一本年內先出會典六函圖十二函宣統二年四月續出事例六十四函全書告竣○一遠地郵費運費概照實計○一詳細章程具載樣本中○一發售預約券處在上海本館總發行所各省分館

新譯日本議會紀事全編出版

陽湖孟森校訂無錫蔡文森侯官王我臧輯譯 是書自日本開國會始至今今年止凡二十五期 其初堯無故事朝野皆奉一憲政爲準繩爲國

爲民政府與議員各盡其道中間財政之抗爭 法律之改訂或以爭執爲攻錯或以利衷爲救濟政府之待遇議會與議會之對付政府皆新立議會者必 經之層折吾國現狀與此適合不但行政官與議員急宜人手一編以資觸發無論何人皆宜循覽庶知人 民參政之實際全書分訂四册定價一元五角茲因諮議局不日開辦趕將前二册先行出版後二册七月 出版預定者實價一元收到書價後即交前二册並付收條俟後二册出版時憑條取書特此預告外埠郵 費照加

天津商務印書館新書出版

天津分館開設 河北大胡同 電話五百二十六號

謹將濟生等社籌辦宣統元年賑冬捐助各款第一次報告

賑撫局憲撥助棉衣褲一千二百套 廣仁堂協助棉衣褲四百六十件 劉清泉君代交件松堂劉助洋三十元
天興德金珠店助洋四十元 劉渭川助洋十元 益德裕津總店助洋五元 孫鴻賓助洋五元 趙承恩助
洋五元 劉孟揚助洋五元 姚光祖助洋五元 郭登淮助洋五元 宋保熊助洋五元 姚金鏞助洋五元
沙河縣總店助洋四元 晉州總店助洋四元 甯晉總店助洋四元 冀州緝私分局正辦耳少亭助洋四元
劉清泉助洋三元 竹農氏助洋五元 元善氏助洋三元 陸氏助洋二元 姜德貴助洋三元 李培藻助洋三
元 劉光錫助洋三元 蕭仰孫助洋二元 戴敏生助洋二元 蘇式燕助洋二元 郭清岩助洋二元 李星
階助二元 紀聘臣助洋二元 陳子甘助洋二元 宋彩南助洋二元 姜輔周助二元 姜薩齋助洋二元
李蓉孫助洋二元 高輔臣助洋二元 楊少屏助洋二元 甯存怒助洋二元 季長泰助洋二元 許權助洋
二元 宋起發助洋二元 溫世霖助洋二元 陸濱助洋二元 劉育仁助洋一元 李潤生助洋一元 蘇柏
青助洋一元 王仲揚助洋一元 徐幼泉助洋一元 王吟川助洋一元 邱作山助洋一元 樊兆鵬助洋一
元 李宗政助洋一元 趙椿齡助洋一元 路坦溪助洋一元 孔雨生助洋一元 宋燦助洋一元 袁崇善
助洋一元 張召棠助洋一元 宋耀助洋五元 范從周助洋一元 周景頤助洋一元 魏靜波助洋五角
張維清助洋五角 杜筱亭助洋五角 王蔭棠助洋五角 丁公館助銅子一千文 陳姓助銅子一千文 姜
品清助洋二元 以上共收棉衣褲一千二百套又棉褲四百六十件洋二百二十元又小洋二十角銅子二千文

新 廠 告廣司公限有灰洋



啓者本公司係承受唐山洋灰公司老廠另購外洋最新式機器旋窩等創設新廠自丁未臘月新廠開機以來出貨加增行銷愈廣灰質經本廠西洋化驗師悉心研究精益求精曾寄由德國國家栢林及日本關東都督府各化驗所驗得動力堅力及凝結時刻灰之粗細均合要工所用其成色與外洋最高之貨相等尚有機器製造之缸磚花磚洋灰瓦水溝管矸子土等項無論躉零交易均可本公司總理處設在天津海大道英租界並在北北京奉天大連煙台牛莊青島上海漢口南京鎮江各埠均設有經售處如蒙賜訂大批價值從廉交貨不悞期限所有洋灰及各種磚瓦等件重量式樣大概用法另刊有華洋文廣告 光願諸君請向本公司索閱面議一切可也

德律風一千三百零九號

洋行

本行開設天津上海香港志呢華海參威等處均設立有年諸班貨物由外洋本機器廠自造法蘭洋鐘皮套鐘天文坐卦等鐘以及金銀夾金銅鋼等表約有二百餘宗並各樣表鍊金鑲珠寶鑽石戒指耳墜鐲子表墜大小八音盒並留聲話匣單雙桶千里眼磁蘭磨花穿衣鏡妝梳洋鏡大小皮包法國洋號又新到轉盤換調話匣八音盒價值格外從廉仕宦官商光顧者請移玉紫竹林法租界本行面議可也 本行主人啓

本行開設北京前門外鮮魚口 天津估衣街中間路北 山東濟南府院西路北自置綢緞紗羅顧繡蟒洋貨布疋各色喇厚呢京廣什貨俱全貨高價廉劃一不二後廳內專售線貨織絨袍料衣包被套口袋線毯毛毯零賣均照行價發兌中外 紳商賜顧移玉是幸 瑞林祥元記具

武齋洋行

本行開設天津 於茲二十餘年 自運各種洋貨 絨紗布匹綢緞 繡花屏風鏡額 磁鋼料器法藍 奇巧美術玩器 學界文房用品 旋行携帶等件 精工變身物料 定織各色席氈 現又擴充樓房 極其寬闊高大 如蒙官商光顧 價值格外從廉 本行隨便入覽 電話一千三百七十四號 天津法租界 武齋洋行謹啓

張家口撫民府長慶續勸募賑捐銜名列後

張家口撫民府長慶五十元 又代募保正行五十兩 公義合棧五十元 何煥文五十元 永盛德二十元
義成京十元 德和義五元 公合慶五元 天德貞五元 興和泰五元 興源玉五元 巨貞和三元 恒興
公五元 永盛和二十元 義聚公十元 聚豐源五元 同聚興十元 德裕興二元 義盛魁三元 祥發源
二元 瑞興源三元 大亨德二元 隆興和十元 隆茂號十元 東富有三元 天聚興三元 恆隆光十
兩成記毛莊二十元 合盛德十兩 西天聚德十元 大豐興十元 德豐興七元 萬隆永五元 福興永三
元 大德豐十元 永慶義三兩 恒和昌三元 復和隆三元 福來號二十元 大興玉二十元 天順成十
元 義昌恒五元 德興永三元 永茂公二元 天盛成二元 謙和成二元 天德期二元 廣聚豐十元
無名氏五元 東永瑞四元 同和義三元 元亨成二元 合盛元八元 共計江平銀七十三兩洋元四百七
十元換江平銀三百零七兩三錢八分 兩宗共計江平銀三百八十九兩零三錢八分換天津公砵平銀三百九十
五兩一錢八分 棗強縣右堂王裕堂二元 河間縣正堂李秉和二十元 張家口撫民府長慶續募江錢平銀
一百九十三兩六錢五分換天津公砵平銀二百零一兩一錢八分捐戶姓名尚未寄到俟接到後再行按名登記
合併聲明 全摺共收洋元二百六十元除前次交過一百四十八元 淨應交洋一百一十二元 又收天津公
砵平銀三百九十五兩一錢八分續收天津公砵平銀二百零一兩一錢八分二共收天津公砵平銀五百九十六
兩三錢六分 又錄匯康元銀號四元 彙恒同銀號四元 益興恒銀號五元 裕源長銀號五元 瑞生祥寶
號四元 合盛元票莊六元 復新永記二元

本局廣告

本局承辦印刷研究精良近益不惜重資延聘外洋著名工師添購新式機器精製雕刻銅版所有承印各種紙幣股票等件圖畫精巧色澤鮮明紙質堅緻屢蒙中外官商照顧頗加獎譽茲為推廣招徠起見自本年承印各項價目格外減讓以副官商雅意如蒙賜顧請至本局賬房面議可也

京奉鐵路緊要廣告

本局現奉 郵傳部鐵路總局札飭凡非部章指定人員及奉有部示者不得發給長期免票以示限制本局遵於本年十一月二十日為實行之期所有各處長期免票分別停發昔日發出之票亦均作廢謹此廣告俾衆周知

李茂林新接各報廣告

閱報諸君賜顧者本埠風雨無阻 外埠原班回件空函概不奉覆所售之報列後 天津代派北洋官報 法政學報並代售官報局各種書報 兼大公報 日報 商報 民興報 中國報 忠言報 實報 時聞報 中國萃報 醒華日報 醒華三日報 古今叢萃報 暨北京政治官報 北京日報 順天時報 愛國報 華制存攷 京話實報 京都日報 東三省日報 新銘畫報 淺說日日新聞畫報 通報 井上海時報 時事報 中外日報 新聞報 神州日報 申報 圖畫日報 民呼日報 及東方雜誌 國粹學報 外交報 國粹叢編以上之報均一代售 (電話二百八十三號)

天津鄉祠南北洋官報代派處李茂林